

蓋平縣志書

滿洲國產業部

7162

9



75365

禮俗志卷十

禮俗

自來有道之世上有良善風化下有良善風俗如響斯應莫不皆然攷之禮經紀載禮從宜使從俗入國而問俗俗之所賴非輕教訓正俗非禮不備禮之所繫尤重且有鄉飲酒義坊記冠昏各義喪服四制祭法祭義祭統諸典則鄉飲酒者聯睦婣善風俗也坊義者以禮範民也冠義者尙成人也昏義者崇陰陽也喪服祭法祭義祭統者皆所以滙喪葬祭禮之全也禮之時義大矣哉古者輜軒之采陳詩以觀民風行習純樸悉由禮意淪洽以維繫人心風俗於不敝自邦國達於郡邑積習不同俗尙各異亦慣例耳究於禮爲不相遠也若非禮而效尤世道之憂也可勝懼哉吾邑係古辰州韓渤海之境後漢書辰韓知蠶桑嫁娶以禮行者讓路文獻通攷謂渤海知書契習識古今制度此即禮之遺也有清以來化起豐鎬男務耕耘女勤紡績厥後文風旣振曠土遂以日開通志之所載信然迄今民國成立已十有數稔雖云日競文明特恐矯枉過正或有習俗漸趨浮薄叫囂流

弊必以禮爲範圍庶無過激之失矣

風俗

我邑舊日民俗多務耕田尙節儉知重禮義在有清咸同間地方人民營商者尙少蓋不以利爲汲汲也居民除旗族外大抵由山左關裡遷徙而來者爲多其習俗每沿用故鄉慣例不失幽冀堅強鄒魯樸厚之風凡家屬素封貲產居中人以上者尤必設塾延師教其子弟即資質魯鈍亦令旅進旅退束身函丈不至漫無紀律溷入下流且不令其出而奔走與人爭名利致啓貪饕營私之漸其貧者相安氓庶自無希圖非分行爲今者貧富同入學校觀磨漸染視先前進化尤易第恐富者不安於富携有金錢而升學不已役情仕官宦一時演爲風尙富者如是貧更可知習俗移人賢者不免果能出其所學康濟斯民非特庠序之光抑亦閭里之榮也邑人有前代遺風士誦詩書農服畎畝工商守業市廛共知自愛安本分即婦人女子裙布釵荆樸素安常不改田間風味間有女校畢業漸啓文明不復蹈從前束縛故轍而家庭教育究不主持無禮開放有節文以維繫之民俗其

長此無替乎

婚娶

易始乾坤詩首關雎崇陰陽重夫婦也禮云敬之至矣大婚爲大伊古以來家有淑女光於門庭其家未有不興者苟娶非其人牝雞家索即生有子嗣而遺傳之性未善此若敖氏之鬼所由餒歟前哲有見於此制定婚禮納采問名納吉具有精義存乎其中我邑人民訂婚先藉媒妁通言男女二家意見相合即以結親或有先索庚帖以子平術合婚諧則爲定中間訪諸鄉里詢之戚友倍加慎重亦有一言爲定委之天命者聘儀貧富不同釵環什物稱家豐嗇結婚時男家備筵席請親翁及冰人並邀親友作陪先酌酒二盞上面絡以紅絲兩端各綴銅錢主婚人各執一盞飲少許再將盃中酒彼此互參合交換飲名曰換盞禮成遂以次入席亦有只送聘物品不事宴會泊屆應行完婚之年先令日者擇吉某年月日宜嫁娶書定紅箋分註某月日通信某月日過禮某月日嫁娶及婚期遵行男先女之禮婿親迎於女家近邑城者用肩輿二乘紳富或用四乘及牌傘儀仗若

鄉僻則以大車或小車結爲綵輿用鼓樂者少新婦披紅衣蒙紅蓋頭或服蟒袍鳳冠升坐綵輿鼓樂叶奏旗鑼開道稱爲小登科綵輿到門燃放炸炮有四少女至輿前先遞寶瓶壺後以熨斗熨炭烘新婦手部再由兩家娶親送親婦人扶新婦降輿步紅氍毹上至院中香案前男女同拜天地多有男跪拜而女侍立者近日文明結婚與此禮異然尙未能通行禮畢仍步紅氍毹上送入洞房中新婦向喜神方端坐曰坐帳先期親友送幃額志喜懸之客座棚中是日親友登堂賀喜或上喜儀日卓午開喜宴主人以次勸酒新郎出席前歷拜賀客席罷主人肅客出近年物價昂貴多不舉辦較爲簡便是夜在洞房擺喜筵一席新郎居正中本族弟姪輩陪坐所食者有子孫饀饌寬心麪等物外姓人不得啖此惟飲酒食菜耳三朝分大小新婦拜見翁姑尊長即三日廟見執筭獻酬之遺制也

喪葬

凡喪家初時其子孫赴左近之廟社焚香化楮名曰報廟哭回本宅門掛招魂次日用樂人鼓吹及時成殮向晚以紙糊車馬人物爲儀或用素轎一乘擡載靈牌有鼓樂旗鑼前

導親友隨行集於廟社拜送亡者曰送行三日行之名接三鄉間尙儉多不用鼓樂中下

之戶第三日即殯葬而紳富大戶則不然擇定葬期先用紅全帖恭請大賓禮賓嗣出訃

文哀啟訃告某日開弔家祭成主發引先時裝棚製備紙糊各種芻靈物品具極華麗親

朋送額幃輓聯祭品或上奠儀素服弔祭喪家設筵款待家祭分晨午夜三次有通獻三

獻之禮主祭者麻衣麻冠拄杖曳履及陪祭者候於孝幃中由禮賓唱禮導出禮儀祭法列後未成

主之先行題主禮題主禮儀列後洎點主喪家預設向北堂皇及盥洗更衣所以藍色肩輿迂請點

主官鼓吹儀仗備極尊崇有禮賓陪賓乘車馬前後簇擁至喪居降輿少息大賓行盥洗

更衣禮升坐點主成主禮儀列後發引之晨有遷柩祖道各禮用遷柩祖道文如係新塋請武大賓

祠后土禮賓同往襄禮葬畢回宅行安主禮安主禮儀列後此喪葬之概略也

家祭禮儀

鳴祭鼓 執事者執事 陳器具饌 啓孝幃 引主祭者就位 陪祭者俱就位 序

立 迎靈舉哀 哀止 鞠躬拜 興 拜 興 拜 興 拜 興 引主祭者盥洗

焚香酌爵 詣盥洗所 濯水淨巾 詣香案前 上香 跪 皆跪 酌爵 再酌爵

三酌爵 興 復位 詣位所 鞠躬拜 興 拜 興 拜 興 拜 興 引主

祭者行初獻禮 詣先 之靈柩前 跪 皆跪 獻帛 獻爵 獻殺 興 詣讀祝

所 跪 伏俯 讀祝官就位 讀祝文 讀祝官告退 興 復位 詣位所 跪

垂簾 主祭婦奠茶 主祭婦告退 掩燭 作樂侑食 樂止 啓簾 秉燭 興

皆興 鞠躬拜 興 拜 興 拜 興 引主祭者行亞獻禮 詣先 之

靈柩前 跪 皆跪 獻帛 獻爵 獻殺 興 復位 詣位所 跪 垂簾 主祭

婦奠茶 主祭婦告退 掩燭 作樂侑食 樂止 啓簾 秉燭 興 皆興 鞠躬

拜 興 拜 興 拜 興 拜 興 引主祭者行三獻禮 詣先 之靈柩前 跪

皆跪 獻帛 獻爵 獻殺 獻茶食 興 復位 詣位所 跪 垂簾 主祭婦

奠茶 主祭婦告退 掩燭 作樂侑食 樂止 啓簾 秉燭 興 皆興 鞠躬拜

興 拜 興 拜 興 拜 興 撤饌 司爵者捧爵 司帛者捧帛 讀祝者捧

祝 焚帛化祝 焚化紙文 引孝眷退入孝幃 合廬舉哀 禮畢

成主禮儀

伐堂鼓 執事者執事 陳器具酌 以鼓樂迎請大賓 引奉祀者禮請大賓 青旗

遮面 跪 叩首 再叩首 三叩首 平身 退歸孝幃 青旗撤後 請大賓盥洗

更衣 詣盥洗所 濯水淨巾 詣更衣所 正冠束帶 請大賓升公座 引奉祀者

禮見大賓 青旗遮面 跪 叩首 再叩首 三叩首 平身 引奉祀者退入孝幃

青旗撤後 司主者捧神主繞棺三匝 捧神主以升公座 去魂魄 啓櫛 出主

析主 臥主 潤硃筆 授大賓 受香煙 受生氣 秉筆凝神 點印中 圈耳

透窳 通神點主 潤墨筆 授大賓 受香煙 受生氣 秉筆凝神 點印中 圈

耳透窳 通神點主 合主 樹主 入主 合櫛 加魂魄 司主者捧神主詣靈位

前 引奉祀者禮謝大賓 青旗遮面 跪 叩首 再叩首 三叩首 平身 引奉

祀者退入孝幃 青旗撤後 以鼓樂送大賓指日高陞

安主禮儀

司鼓者伐鼓 執事者執事 陳器具酌 司主者捧神主以至室堂 引奉祀者就位

跪 叩首 再叩首 三叩首 平身 引奉祀者盥洗焚香 詣盥洗所 濯水淨

巾 詣香案前 跪 上香 興 復位 叩首 再叩首 六叩首 平身 引奉祀

者詣神主之位前 跪 合戶 掩燭 去魂魄 去櫝 啓戶 秉燭 獻清茶 獻

果品 讀祝 興 復位 跪 叩首 再叩首 九叩首 平身 禮畢

歲時

按夏曆寅月初一日爲元旦漢書聖人考曆數以正三元三元者歲之元日之元時之元也正月初一爲日之元初一日之晨即爲元旦其時人家早起子丑二時之間在神位家堂前焚香燃燭出門迎神於吉方至家焚香楮奠酒醴跪拜盡禮家家朝食水餃宗族相拜親友相謁均爲拜年惟親友用名帖十數日此往彼來有携物品爲敬儀者張筵招宗族親友飲春酒名曰會年茶聯睦誼也

立春前一日地方官迎春於邑東關東嶽廟即禮載先立春迎春東郊之遺意也先期搭一葦席棚內設紙糊芒神春牛各像其神服飾及牛身首之色均按現年立春歲月日時各干支審定製造芒神或帶耳幕主春不寒或履懸腰間主春乾表示相反之意往往有中迎春後送牛邑城隍廟內至立春日時衆官齊集鞭牛碎之名曰打春或以爲牛是惰場後身因其生前不道獲此罪譴父老傳聞如斯姑志之立春亦有在新年前時自民國紀元改用陽曆此典遂罷

正月初七爲人日未詳始於何時惟攷北史魏武宴百僚問何故名人曰議郎董勛云正月一日爲雞二日爲狗三日爲猪四日爲羊五日爲牛六日爲馬七日爲人又俗諺云一雞二鴨三貓四狗五猪六羊七人八穀九果十菜又有云初七主少年十七主中年二十七主老年天晴明則人旺相然自昔初七日呼爲人日若十七二十七皆同實典籍所未經見至七日究屬何故爲人書史向無發明案易先天八卦乾居一艮位居七七下八爲坤七少陽數也故艮爲少男少陽生於七陽之義配日故曰七日艮居乾之後在坤之上

乾天地艮少男人也人戴天履地而居於中人日取數以七其此義也夫正月十五日爲上元夜則爲元宵家家食湯圓而以元宵名之是夜邑城懸燈結彩鼓樂喧闐街市商家多放花炮有火樹銀花之觀兼有燈謎龍燈秧歌諸雜技三江山東各會館並演夜戲燈月交輝歌聲嘹唳幾同不夜之城一時游觀者填塞街巷甚盛事也此漢志所云金吾不禁歟自民國改用陽曆此舉漸歸歇止然於財用正自節省多矣

唐書李泌以二月朔爲中和節德宗令百官進農書獻種稔之種以示務本復以十五日爲花朝言春序正中百花競放乃遊賞之時花朝月夕世所常言吾邑人謂二月二日爲龍擡頭侵晨家家用竈灰在庭院中多作大圓圈形名撒灰囤蓋以二月驚蟄蛇蝎蟲蟻蠕蠕漸動用灰圈包圍鎮壓之不欲其肆行妨害於人也

清明日人家皆上塚焚香楮祭奠掃墓添土自民國紀元以清明爲植樹節令各校學生以次栽樹即標記此樹爲某某植亦盛事也不數年間樹林陰翳佳木葱蘢此舉不惟舒暢學子心神並以培植林業種樹喜培佳子弟此語可藉誦之

四月十八日邑北六十里耀州廟會即盛京通志所載耀州也山上舊有娘娘廟香火極盛山下禪院名海雲寺每屆會期演戲五日先時販賣物類者雲集於茲凡人民日用應需之物無不備具行行分列供人採購四方來游觀者轂擊肩摩夜以繼日有周鐵溝橋臺堡鄉樂莊鐵嶺屯百家塞諸村會辦演秧歌擡歌雜劇羣集山廟祝神以祈豐年今其地點已撥歸營口縣矣志之以略存昔日屬界會場情形耳

五月五日爲端陽節又名五毒日蓋五月屬午五日爲端午二午相屬火旺之相過旺則爲毒故用艾蒿桃枝硃砂雄黃等物以解之門懸黃布猴手執綵麻小箒取掃除災祲意並懸剪紙葫蘆取可盛藥餌意家家食角黍即昔人之益智饗人人指臂繫五色線絲即昔人之續命縷皆沿古俗也

六月六日邑東五里蚘蜡廟會廟係康熙四年因時旱蝗建修每逢會期演戲五天人士流覽者衆且此廟距城較近正值溽暑天氣城中人民欲到鄉野間散心故文人墨客商賈少年往來如織恣意游觀俯仰別有興趣廟山居清河鐵塔之側水色山光映帶左右

恍如一幅天然圖畫城中酒家集此開罈供客雖非文君當爐相如傭保而酒帘飄處不亞杏花村店風味拇戰之聲時悠揚於綠陰夕陽以外非特雅事亦佳話也

按陰陽書夏至後第三庚爲初伏第四庚爲中伏立秋後初庚爲末伏火德方盛庚金斯伏言秋金之氣已伏藏於夏火極盛之中荊楚歲時記伏日作湯餅名辟惡餅吾邑人家伏日多食麪殆即湯餅遺意也

七月七夕爲牛女二星相見之期其說載之續齊諧記杜陽成武丁謂其弟曰七月七日織女當渡河弟問何故曰織女暫詣牽牛世人至今云織女嫁牽牛也吾邑對於七日乞巧故事不甚風行婦女有作盆水浮針月下穿絲之戲者至設瓜果庭中巧乞天孫殊爲闕如俗云令童男女夜深伏瓜架下竊聽隱約聞天上泣聲感別離也說近荒唐未足信考修行記七月十五日爲中元乃大慶之月我邑人民復行掃墓禮焚香化紙祭奠如清明時近年地方士紳商民因邑南關清河每多溺者遂舉辦盂蘭盆會作紙糊大龍舟搭棚供神陳列各界祝聯數百副招集城廂僧道誦經超渡至暮沿街安放蓮花路燈將龍

舟界至清河岸放在中流前後有蓮炬數千蓋照耀擁護之僧道在河干高棚上分坐誦經鑼鼓並作至夜分始止一時觀者如堵善舉亦盛事也

八月中秋節賞月吟詩文人固多韻事即商民婦孺亦知領取秋宵月明之趣瓜菓中庭管絃澈夜更兼山東三江兩會館晝夜演戲最足增助遊人佳興近年各會館注重文化興辦學校不以梨園故事浪擲金錢所由中秋風景視先前之繁華熱鬧爲少減矣

八月二十七日爲孔子聖誕吾邑薦紳門第讀書人家夙知尊崇至聖是日用香花醴酒物品供奉虔祀盡禮

重陽登高爲古今通例子安作序夢得題糕此風一倡後之人往往不懈而幾於古昔人佩茱萸囊飲菊花酒非漫然也蓋以九爲老陽九而重之以九陽已極矣易云亢龍有悔陽亢則爲災不可不有以解之茱萸主祛風溼宣氣開鬱性雖熱而能引熱下行菊花具四時氣備經霜露得金水之精能息風除熱古人用之意在斯乎邑人是日登高有登城中央鼓樓者有登西門外高阜遠眺者至奔赴數十里內高山恣意觀覽引類呼朋敲詩

賭酒在文人學士每建茲勝會前二三十年所在多有近者率歸沈寂抑亦時勢使然耳
十月初一日邑人拜墓祭奠與清明七月十五日同一歲之中春秋冬皆有祀先追遠之
禮獨闕於夏殆法古昔禴祀蒸嘗之遺而猶有略焉者也

冬至日家家多食麪餃名爲蒸冬以後九九之數由此起首凡家人娶有少婦未踰三年
歸寧娘門者須先日送回夫家不得在娘門過冬言犯則主妨乃翁也雖非比戶皆然而
禁忌者居多不忌之於立冬而獨忌之於冬至究屬何故無從索解要亦囿於習俗焉耳
十二月初八日俗名爲臘八按說文冬至後三戌爲臘祭百神也是言第三戌屬何日即
爲臘非專以初八爲定攷風俗通夏曰嘉平殷曰清祀周曰大蜡漢改爲臘臘者獵也田
獵取獸以祭其先祖惟夢華錄載初八日諸寺作浴佛會並送七寶五味粥與門徒謂之
臘八粥都人亦以果子雜料煮粥而食今者吾邑家家食臘八粥蓋其遺也

二十三日爲辭竈日賣竈糖聲徧滿街市家家購之備祀竈是夕以香燭酒餽飴糖共陳
竈神前焚其畫像拜送如儀並有用飴糖黏竈火門內者殆仿效昔人醉司命而變通者

也

歲除以前掃舍宇換桃符黏宜春帖子籌備酒肉米麪菜蔬等物適中而可居民風俗尙
儉向無奢侈過度行爲除夕設神位供祖先燈燭輝煌香煙繚繞年少者與尊長拜年辭
歲長者與之歲錢家人秉燭待旦迎神是夕天晴風靜尤無吠聲主占來年太平大有之
象至陽曆新年人民投刺相謁官場爲盛亦有備酒食慶賀者焉由此以漸行去專用陽
曆當即廢除舊習慣矣

人學士... 卷之十...

...

...

...

...

...

...

...

...

...

...

...

...

宗教志卷十一

宗教

上古草昧初開渾渾噩噩無所爲教堯舜禹湯文武成康之時教亦無專稱無所謂誰氏之教者洎孔子誕生道明於下與其徒衆習禮樂訂詩書維持綱常名教於不墜非得已也亦以道不行耳孔教之名因是以著乃後世不察動摘其非屢興廢孔之議不知孔子時中因時制宜本無畸輕畸重之見道隆道污聽之後來蓋其道大而莫外非他教所可比擬也近時民權平等信教自由凡在佛老回耶諸教大率均以隔世覺民爲宗旨雖與孔教不無廣狹大小之分要之出世救世視治世法固有區別而其與人爲善則一也試思黃老學最古函谷望氣青牛度關道德五千言厥功偉矣佛陀西興釋教東漸漢唐以來宏開化宇於中邦天方性理貴重靈魂基督理道縱有殊途而一則專崇天帝博愛爲仁一則滌除嗜慾強固軀體胥於人大有裨益也蓋平人民多尙古道其對於各教崇拜者尙少夫亦尊聞行知各行其是而已

佛教

佛教者出世法也即救世法後人闢佛說興詆毀過實賢者不免亦未能深長思之耳釋迦牟尼爲佛教之祖周昭王二十四年天竺加維衛國淨飯王妃摩耶氏夢天降金人而有孕於四月八日自右脅誕生稍長即抱厭世思想欲超出生老死病四苦之外年十九入壇特山修行證道圓明正覺普照大千至穆王三年二月七日之夕入正三昧至八日明星出時成佛號世尊其後教衍西方編定經典者有弟子五百人大會於王舍城由是皈依者衆北印度王即以佛教爲國教沙彌法師徧滿國中以漸達於東土漢明帝夢見金人長大頂有光明以問羣臣言西方有神名曰佛其形長丈六尺而黃金色於是遣使天竺問佛道法遂於中國圖畫形像事之維謹此時佛教僅及內地自高勾麗據遼聘西僧宏通釋典佛教始流入遼疆迨金元以迄明清皆崛起北方俗尙佞佛崇拜釋氏至今沿爲習慣蓋佛教以博愛普度爲宗旨去階級廣慈悲頗吻合於民生主義由來者漸非偶然也本城山東山西各會館三官北極觀音財神諸廟住持僧十餘人地藏菴道林寺

有五六尼僧山野寺院各住持僧散居境內亦百餘人其中不乏清流無愧佛子第潛修
韜晦人每末由物色如山東會館老僧樂亭自幼謹守清規從不染塵爲叢林巨擘邑東
石佛寺僧人正禪恪守規戒恢復先世廟產尤難能者俗家父母年老迎養寺中克盡孝
道即侍疾日久亦不稍嫌其痰唾污穢是殆釋而儒者也沈菊邨生時每嘖嘖稱之

道教

周柱下史老聃著道經五千言騎青牛度函谷關關尹喜望氣先知去吏而從之孔子問
禮而歎其猶龍後世尊曰老子奉爲道教之祖其道以清靜無爲名溯厥由來謂寔肇於
黃帝戰國時漆園叟莊周得其傳作馬蹄秋水諸篇書名莊子約十餘萬言世以老莊並
稱爭衍其學說漢興曹相國參陳丞相平皆好黃老術沿至武帝信方士好神仙而煉丹
服氣之說進文成五利輩遂得附會蠱惑於其間雖未至如信釋教之梁武捨身同泰餓
死臺城泊輪臺下詔知悔前非已無及矣豈道教之足以誤人抑人自誤而反以失其本

真耳考之漢書藝文志載有道家言二篇神仙十家二百五卷蓋言神仙者所以保性命

之真而游求於其外者也究之去古愈遠道非其人不傳一時龍門派以邱長春爲宗當日元太祖納天道好生不嗜殺人之諫尊之爲國師道遂大行於北方久之復就衰替呂純陽心焉憫之著太乙金華宗旨一書言自太上見化東華遞傳以及南北兩宗全真可謂極盛然盛其徒衆而衰於心傳紛紛羽士有道者伊誰吾邑之城隍廟福建三江兩會館南關之碧霞宮奉香火者僅十餘人惟邑東南赤山龍潭寺地頗幽深堪稱名勝住持數人習靜爲得其所相傳有吳道士化去其他庵觀道侶寥落若晨星上者朝夕諷經次則耕樵自給約共百人上下若福建會館住持道齊然肅讀書無多與其徒輩謹守規矩不輕出門戶是居城市而山林者推之棲真羽流清修自矢當不止如彼其人而已此外尙有夥居道名曰道丁各有家室境內約十餘戶

回教

回教行於阿拉伯爲天方國所屬數十國以其秉禮之邦故獨稱天方即回教祖國也顧亭林日知錄以回紇與回回及回教皆屬一國誤矣按回紇即今之新疆回回即花刺子

謨居今葱嶺西鹹湖東岸之布哈拉國回教之始祖阿丹稱曰人祖即盤古氏又名亞當其降生距今七千餘歲阿丹一世至五十世穆罕默德述往聖之學而爲大成或以穆罕默德爲回教之始祖亦誤由二十一世以下拉席默之長子以思驕蓋凡三十三傳至爾薩即耶穌此其世統源流也道統始阿丹以迄穆罕默德中間爾薩去世不得其傳於是紀綱墮落異端蠡起越六百年而後穆罕默德生即中國陳太建三年驅除邪說彰明正教俾人心不致迷惑功亦偉矣其立教也以知天爲宗旨以敬事爲工夫以致命達天爲究竟稱天曰安羅昊每日拜天即朝乾夕惕之意七日以大瞻禮取七日來復之義教規惟崇拜天不事他神不立偶像不信佛法不信天主分身耶蘇替罪之說以五倫名人道

五典明天道

五典念真禮真齋戒課賦朝壇

五功天道人道兼盡者爲教中完人有經一部曰古囉阿尼即可

蘭經凡六百六十六章世昭恪守縱有賢智不能踰越之考回教流傳中國迄今已一千三百餘年教徒徧布各省最盛者爲陝甘新疆次則直隸雲南而回教之傳入廣州也遠

在隋代當時亞拉伯回教人每年一次航海至廣州貿易中國人不知爲回教惟知其爲

亞拉伯人耳後商務漸繁而回教人來廣州者亦漸多西曆六百二十八年即唐貞觀二
年穆罕默德遣幹葛思至廣州宣傳其教建懷聖一座爲清真寺之最古者故回教徒稱
幹葛思爲西來傳教老祖各省回教寺多唐朝敕建如懷聖寺則懷聖將軍所建西安禮
拜寺則工部官羅天爵所建又有尉遲敬德建者均有書志唐碑匾額可據至回紇助唐
和親入貢憲宗元和二年昭詔以摩尼偕來置寺處之而回回寺於是更多因回紇亦有佛
教而改從回教者也貞觀五年有祆教景教波斯經教詣闕奏聞奉敕建大秦寺於長安
並及天下諸州縣查大秦即羅馬統一西土漢時建都於意大利自晉而後建都於君士
坦丁即今土耳其享城土耳其爲耶蘇降生之地波斯亦土之東隣其初莫非耶教然回
耶主義實有大不同處回教眞主獨一而耶教三位一體回教人在今世之行爲自己負
責而耶蘇代贖罪惡回教人生原來無罪而耶教原來有罪回教謂耶蘇爲聖人爲眞主
之使而耶教謂耶蘇即眞主回教耶蘇受厄十字架旋被救活避往加立而耶教耶蘇死
於十字架第三日復活肉身升天其相差如此而回教之說爲勝他如回教人不食豕肉

蓋自阿丹以來奉真宰之命不用以爲至戒且攷之醫經丹書諸說豕肉於衛生大有妨碍最宜忌食况回教人不食動物之肉頗夥非第豕也世俗不知往往滋疑本城西南隅舊有清真寺一所經掌教石萬清字秋潭創設私立清真學校教其男女子弟並聽他教人同學不示限制熊岳亦立有清真學校若湯池若萬福莊等處均有回民全境約共計三百餘戶多知向學文明漸啓不似先前之安於簡陋矣

理教

攷理道法系圖說理教始於楊祖名澄證字丹仙山東萊州即墨白馬泉鎮大楊格莊人生於明萬曆三十年夏誕降後不啼不食經嶗山道人吳一清歌示警醒少聰穎年十八入泮二十六歲舉於鄉明年成進士翰林院庶吉士改官知縣親沒辭官求道備歷艱辛遇龍舒居士引渡久之乃得五字真經及戒律八條歷數十寒暑點傳普渡功果圓滿歸岐山瀾水洞在八步險火光中化去時清康熙三十六年六月二十四日辰時至民國紀

元二百五十年矣由茲理教大行以漸遍於中國中國山陬海澨提倡有人迄今未衰或謂理

教組成發起於明季逸老別有深意存乎其中亦齊東之語耳教中人崇拜南海大士稱爲聖宗不許口道五字真傳謹守密秘其宗旨以立志行善爲準掌教稱理總入教者名在理切戒煙酒諸物故凡陷入阿芙蓉陣中及有劉伯倫痼疾者相率偕來虔誠懺悔回頭是岸主教凡爲人度脫先令正立門外少焉有人引入至理總坐前下參問其歸理願由告以宗規從此滌除舊習而彼岸同登矣每逢齋期在公所備辦筵席教友各持會金紛集會餐以能多食肉爲上主教升坐一日不離坐聽憑教徒次第獻茶概飲不少却足徵容受之量宏理教既奉南海大士爲尊乃齋期竟不如素而尙葷令人莫解其故殊於楊祖淡泊齋茶本旨未合或以爲齋心不齋口豈通義歟我邑理教公所先有志善堂點傳師李長青後修善堂點傳師爲馮占魁今則金萬榮爲志善堂點傳師王鳳齡爲修善堂點傳師兼充勸戒煙酒總會正理事員孫文山爲修善堂公所副所長有徽章及委任證凡屬當衆演說謂之開釋間有興辦慈善之事者老儒李天權皈依有年具知教中要旨道德淵源性命真理啓發善念滌除舊汙惟此諸大端焉耳此其教之原委也

基督教

天主耶穌附

基督一教爲新教舊教之總係教主耶穌猶太人生於漢哀平間年三十以基督自任宣傳福音基督者救世之名義也其教以博愛爲宗旨教徒日衆反從而中傷之猶太人控於羅馬官吏耶穌遂身殉十字架乃謂爲代萬民受罪過數百年後教行歐洲殆遍分耶穌天主教導源法蘭西有教皇尊嚴於上教民須受神甫管束乏舉動自如之趣傳教者取獨身主義一生不婚娶而教中女子亦多矢志童貞終身不嫁流俗未識其用意往往不免滋疑當十六世紀日耳曼人丁路得倡宗革命推翻羅馬教皇之專制別立新教名爲耶穌凡教士無階級爲牧師者得蓄妻室若古代修真有神仙眷屬之類盡脫除主教桎梏虐例一時信仰者歡迎樂從而新舊教門戶旣分勢同水火竟演爲流血奮鬪而不惜已大違上帝一視同仁之至意天主教徒自明永樂間始入中國清康熙朝延西人湯若望南懷仁釐訂曆象著有成績因許外人傳教於通商口岸得建設教堂若耶穌教繼起流傳在同治改元之際已後天主教二百餘年光緒末造突遭拳亂摧殘尤甚

教亦幾乎熄矣迄今教徒熱心毅力仍期進行不已究之基督一教貫徹兩宗在西方傳佈共知耶蘇爲聖人自廣推行而乃欲聲教洋溢乎中國當非易易譬如一酪漿苦酒而思適五都之市張設區區食堂以大饜久啖膏粱珍奇之口得毋自召唾棄乎中華本文明古國禮教之隆甲於五洲以視四裔殊俗不啻皎日之於燭火也即以吾邑而論城內北街設有天主堂一所東南羅家哨西荒地楊木林子各村皆有天主教堂教民約有二千餘人城西門裡耶蘇教堂內兼設女小學校其教民三百餘人較天主教徒爲尠蓋以民智漸開時勢所趨之故耳彼一般奉教者每以破除迷信爲口實恒譏刺吾國人崇拜偶像爲極大錯誤胡不思教民見十字架如見耶穌十字架亦一物類經匠人工作而成獨非偶像乎各國競鑄銅像與中國之或銅或鐵或土或木者果何異乎明於責人而闇於責己亦異矣哉

實業志卷十二

實業

周禮闕冬官漢興購之千金不可得而以考工記補之其云審曲面勢飭五材辨民器謂之百工通四方珍異以資之謂之商旅飭力以長地財謂之農夫此即實業之濫觴也後世閉關株守故步自封農服先疇之畎畝工用高曾之矩矱懋遷有無商旅不行求如陶朱猗頓者殊難其人無他限於目前未能知遠耳即在通商惠工之世布衣帛冠衛文可云中興然庶而不富尼山師弟車中徒殷商權也况弱肉強食天演定例列強掇我精華更端製造而復售之中國竟吸取脂膏以去我國家人民欲不貧瘠得乎且動言抵制而終歸失敗實業不講之咎也中國果能力闢富源研究改良日新而月異俾輸入之貨日益少而輸出之貨日益多不受列強經濟之壓迫民殷國富可立而待矣吾邑絲棉魚鹽日見增進倘再組織發展不遺餘力庶其有豸乎

實業志卷

實業

農桑爲民生之根柢林礦爲國利之淵源我國自古政尙四民業具百工故世稱四千年之文明大國有由來矣洎歐風東漸科學昌明百工之業較前益隆遂合其名而總稱爲實業焉夫實業大本須視乎天產原料種類與社會之需求爲進步之推移古訓因地因時之說可爲言實業者預作取捨之謀而人多不察一言實業即重工輕農不知計尙實業利在民生民生要素民食爲天故以農爲業生計較捷以工爲生週折較多矧非獨具匠心即難求其幸福若美之安狄生之與罕利福特英之瓦特之與卡南琦氏皆希世罕有之材此外能有幾人哉余嘗默察工藝之區每乏良田證之因地因時之說當不爲謬再証以英日之懋遷雖盛而一遇抵制萬家失業恐慌無措生計路絕究不如美之農業先進工商副之較爲安全耳我國土地冠絕五洲苟能工農不偏廢又何嘗不可駕諸英美而上之但吾省實業不第不能媲美西歐東瀛擬之各省猶多遜色雖然一言民生舉國弗逮者何也無他土地優良講求農業勝於百工所以他項實業進步雖遲而農業一

項之長卒能償其所短吾邑實業尙在科學工藝時代而仍趨重於農者十之六七此亦他項實業進化較遲之一大原因也爰將各業之概況分志於次

農業

邑境農區形式天成西距海約二十里許居民多以魚鹽之利爲生活農業稍亞而縣境之南北盡屬沃田且於耕耘之法尤多經驗可謂完全農區惟城之東南正東以迄東北山林叢雜宜於種柞養蠶故除山場之外可耕者平蕪參半地雖瘠薄而饒有山場蠶繭之利亦不啻農商富庶區焉但農服畎畝墨守舊矩出作入息任天而動加以人烟漸蕃糧產不足民食每年尙需鄰省或鄰縣調劑紅糧十三萬餘石清季雖設有農業試驗場無甚效果民國紀元自治發展曾立農務會未幾袁世凱擅政意圖帝制自爲取消議會連帶農會之雛形亦隨自治潮流以俱滅七年夏邑紳重申前議由縣署咨請農務總會復立農會於東關山西會館內旋又遷於縣公署東院嗣後移在西院十八年十二月暫移於南關現正講求新法俾促將來農務之進步云

工業

邑之工業凡家庭日用需要之器具及各種舊式手工木工建築等悉備無缺然各項工人不求進取競尙修飾表面之術以省工減料爲目前得利之秘訣率無遠大計畫故藝多粗疏物多窳薄至織染縫紉製革造紙印刷普通美術亦不過應有儘有耳其可記者有硬尖水筆蓋染干青布等尙可稱爲藝術也計全境工業舖戶約三百家有奇可記載者無幾惟縲絲一項近年出貨悉販外邦往往爲對方所別駁難求善價故邇來日漸長進且出產亦爲本邑之大宗春秋兩季山繭登市時縲絲爲邑中優良之實業復能利及金融裨益市面經濟所係百業交興計每年交易額約值國幣二百萬元再則製造豆油豆餅編織葦席亦皆大宗土產至於近今所製之山繭練綢五彩十錦被面均有可觀每年產額約可一萬數千疋此外因各種水菓優良且爲邑中之特產

見本志植物遂設有罐頭公司二所一在湯池一在城內營業雖知講求而製造之進步尙需時日其物品不能與外省輸入者爭勝亦爲美中不足之點也其製造品目表附後

蓋平鼎豐罐頭公司出品表

品名	榛仁杏	杏梅	雞心葡萄	白桃	蜜桃
	每箱每箱 磅數數目	每箱每箱 磅數數目	每箱每箱 磅數數目	每箱每箱 磅數數目	每箱每箱 磅數數目
1.75	1.75	1.75	1.75	1.75	1.75
四打	四打	四打	四打	四打	四打
品名	水蜜桃	甜香瓜	蜜西瓜	去皮李子	李子
	每箱每箱 磅數數目	每箱每箱 磅數數目	每箱每箱 磅數數目	每箱每箱 磅數數目	每箱每箱 磅數數目
1.75	1.75	1.75	1.75	1.75	1.75
四打	四打	四打	四打	四打	四打
品名	尖把梨	白葡萄	去皮葡萄	平頂香梨	香水梨
	每箱每箱 磅數數目	每箱每箱 磅數數目	每箱每箱 磅數數目	每箱每箱 磅數數目	每箱每箱 磅數數目
1.75	1.75	1.75	1.75	1.75	1.75
四打	四打	四打	四打	四打	四打
品名	洋梨	水紅消梨	南紅梨	白梨	鴨梨
	每箱每箱 磅數數目	每箱每箱 磅數數目	每箱每箱 磅數數目	每箱每箱 磅數數目	每箱每箱 磅數數目
1.75	1.75	1.75	1.75	1.75	1.75
四打	四打	四打	四打	四打	四打
品名	汽水	蘋果	鮮紅棗	蜜山楂	蜜橘
	每箱每箱 磅數數目	每箱每箱 磅數數目	每箱每箱 磅數數目	每箱每箱 磅數數目	每箱每箱 磅數數目
1.75	1.75	1.75	1.75	1.75	1.75
四打	四打	四打	四打	四打	四打

商業

本邑商業自庚子鐵路貫輸後交通雖較敏捷而權不我操利爲人有交通貿易漸受吮昨提吸之害况以邑商徒據皮毛之發展無根本之實計比年以來市面堂皇而內容較

多蕭索加以重稅徵求有增無已城鄉商舖除工藝舖戶不計外已達五百餘家強半陷

於外強中乾地位所賴此間商賈對於營業一途向有遺傳經驗果敢有爲非至萬分棘手不輕犧牲其營業雖然每一倒閉虧本之外多有股東因商破產傾家者致資本家視商業爲畏途再則出產向以山繭豆糧爲大宗每因異國經濟侵略關係時受壟斷操縱之患蓋豆繭二項消路悉仰洋莊故價值亦不得不任其低昂即或自行販銷亦不免被其團體之牽抑除自行直運歐美直接交易別無良策然既無合資團體販銷匪易且又非經外埠改裝檢驗難出國門近年曾設有絲業公會於製絲之術較前差精然終不能與歐瀛並駕且有遷移他埠再行交易之弊而絲商行棧又各爭持意見以致惛恍迷離不易調劑再加園法不一奉票抑壓充斥於內日本金票昂漲制迫於外輸出輸入盈絀懸殊爲病商之一大原因也且不獨病商百物失其常價因以轉而病民至電燈電話地方儲蓄公會等雖爲優上應時之實業而營業方面倍受錢法之害地方儲蓄竟因以倒閉矣此即商業之概略也方今官府提倡市政商會發達當能和衷共濟起衰救弊維持金融於鞏固竊以金融錢法爲地方人民之命脈所繫匪輕設挽救無方聽其自消自漲

反以促民生之短命憶自先年羗帖行使於東省頗有信用洎歐戰後俄軍敗退羗帖竟至荒廢乾沒彼後來之新政府概不置意我東省商民受害極鉅幸爾時地方人民尙有餘力可以支持然命脈受傷元氣即以暗耗往事已矣應鑒前車今復受金票壓迫奉票因之毛荒久成痼疾而現大洋亦被其牽制以漸跌落此中潛消默削凡地方命脈人民脂膏損傷剝蝕於無形之中者不知幾千萬億矣將恐上下交困財殫力痛去破產期間不遠病入膏肓命脈一促奇禍即在目前是外來一紙空幣足以制我東省死命不獨蓋平一邑商民罹害已也創鉅痛深可勝懼哉

鹿圈

本縣氣候較吉黑爲平水草亦豐故有吉林實業家於民國十四年運置馴鹿一百餘頭設圈於邑東五里許之白谷莊北山麓間現共滋生小鹿六十餘隻每年可鋸獲鹿茸三十餘副云

苗圃園

苗圃園爲營蓋兩縣合辦設於大石橋西迷真山東坡茲爲表詳於左

營蓋苗圃一覽表 民國十八年

種 類	株 數	出 山		苗 木
		年	分 株	
洋 槐	一〇〇三〇〇	一	二	三六八四〇
糖 槭	六五六〇〇	一	二	二三四〇〇
油 松	一三三六〇〇	二	三	九五五〇〇
側 柏	七九七〇	二	二	一〇一〇〇
梧 桐	一七六五〇	三	三	一七九八
湖 桑	二二〇五〇	二	二	一〇六〇〇
白 楊	一七三二〇	一	二	三四八〇
杏 樹	八五〇	一	一	二三一〇
杏 條	五〇〇〇〇			

臭椿	一二六五〇	二年生	二〇〇〇
萬利木	三六〇	十三年生	六〇
中國槐	三〇〇〇		
白蠟樹	二〇〇		
榆樹	二九〇〇〇	二年生	六七四七七
桃樹	一八六〇	一年生	一一六一
三春柳	三二〇〇	十一年生	六五〇
杞柳	一五六〇〇	十一年生	一八〇〇
柞樹	三〇〇〇		
統計	四九四二一〇		二五七二七六
備考			

礦業

本境礦苗五金煤炭俱尠即有亦無純正線穴且無良好特質今就礦商呈報表列於後

全境鑛業一覽表

鑛業名稱	鑛商	開採年月	坐落	主要鑛質 附屬鑛質	鑛區	資金	鑛稅	年產額	
								要產數量	附產數量
月和苦土鑛事務所	王樂山	民國十年七月	第四區徐家屯北山	漂苦白土	五十畝	五千元	七元五角	七萬七千二	
和興苦土鑛事務所	汪長清	民國八年七月	第四區鄭家溝	苦土	六十畝	五千元	九元七角五分	六萬五千	
振東苦土鑛事務所	高璿成	民國九年七月	第四區徐家屯北山	漂苦白土	二百〇二畝五分	五千元	四十五元三角七分五厘		七萬七千五
群賢滑石鑛事務所	張寶瑤	民國八年九月	第四區金水寺村	滑石	一千八百六十八畝四分四厘	二萬元	二元八角六分	十一萬	
公聚石鑛事務所	沈殿舉	民國一年十月	第六區東北周家堡子	石灰石鑛	一百四十畝	二千元	七元四角一分	十四萬	
公義石鑛事務所	周述春	民國十一年一月	第六區東北周家子黃泥屯	石灰石鑛	五十畝	一千五百元	五元	十二萬	
運興鑛廠	何長運	民國四年十月	第三區正白旗	建築石	四十畝	一千元	六元	十一萬二	
	李純福	民國十年十二月	第三區南樂家東溝	建築石	六十五畝	五百元		四十五	

				廣白澤 事務所	啓秦漂 事務所	大嶺滑 石公署	裕豐藻 硃務所				
伏玉書	寶琳	羅明瞻	馬云亭	李廣澤	鄭韻泉	王正黼	陳鶴年	于冲漢	于冲漢	于冲漢	于冲漢
尙未開採	尙未開採	尙未開採	尙未開採	民國十三年十二月	民國九年五月	民國十二年六月七日	民國十五年九月	現已停採	現已停採	現已停採	尙未開採
鍋蓋山北	棗兒嶺北	李家屯平	第四官屯區	李家屯平	第四橋頭舖區	第四棗兒嶺區	第四陳家堡子區	蓋山子平	第四小高家屯區	第四小聖水寺區	第四聖水寺區
苦土	苦土	苦土	苦土	漂白土	漂白土	滑石	陸藻土	苦土	苦土	苦土	苦土廠
一七十五畝 八厘	三百畝	一百一十九畝 八厘	六十畝	十二畝	三十畝	五十畝	一百一十四畝 四分	二百五十畝	三百一十二畝 七厘	三百九方丈	一百五十三畝
				一千元	五千元	五千元	五千元	五千元	五千元	五千元	五千元
				一元八角	四元五角	一元八角	十七元一角六分				
				四十二萬	三十二萬	四十二萬	二十萬				

		業人和所鑛						富潤鑛廠				保權鑛廠		保權鑛廠	
王鍾琳	王鍾琳	劉仲宣	李鑑塘	楊興祚	戰興邦	崔英麟	田雨時	王襄臣	王襄臣	佟寶琛	佟寶琛	佟寶琛	佟寶琛	佟寶琛	佟寶琛
現已停採	現已停採	現已停採	現已停採	現已停採	現已停採	尙未開採	現已停採	現已停採	現已停採	現已停採	現已停採	現已停採	現已停採	現已停採	現已停採
蓋平溫 家坎子	蓋平溝 秘子	蓋平山 礮子	蓋平溝 李家	蓋平歪 石窟	蓋平山 鍋頂	第四區 聖水寺	第二區 思拉鋪	第二區 靠山寨	蓋平溝 李家	第二區東 南思拉鋪	蓋平東 破台子	蓋平東 破台子	蓋平東 破台子	蓋平東 破台子	蓋平東 破台子
鉛鑛	銅鑛	礮石	礮石	礮石	礮石	滑石鑛	礮石	礮石	礮石	礮石	礮石	礮石	礮石	礮石	礮石
九畝〇八分 二百三十 厘三毫	六畝六分 五百三十 厘	三畝八分 五百二十 厘	二百十畝	十一畝八	三百十畝	五十畝	八百十畝	六百九十 畝四分 五厘	一百七十 畝六分 一厘	十一畝七	十二畝二	十五畝二	二十五畝二	二十五畝二	二十五畝二
						五千元				一千元					
		四十八元 八角七分 四厘五毫	三十五元 五角		四十五元 六角		一百二十 元五角		二十六元 四角九分 一厘五毫	三十五元 五角					三十三元 七角五分

富國建築石鑛所事務事

趙永年

現已停採

第二區
大望海寨

建築石

○五十
四厘畝

一千元

田正剛

現已停採

第一區
田家歲子

建築石

五百畝

一千元

王長清

現已停採

第一區
塔子溝

建築石

五百畝

一千元

劉維泉

現已停採

第一區
韓家溝

建築石

五十畝

一千元

備

考

鹽業

本境鹽業素所見稱惟各灘主圈水曬鹽仍沿舊法迄未進步故產量豐減亦任天年之

旱潦計全境共有灘場三百三十七副

詳見本志物產

山剪

吾邑東南多山最利養樹放蠶然從前不知講求居民多以餘地包括山場而剪子最少

民國八年以獎勵之法催報剪場風氣漸開所有山場漸次和盤托出計原有紅剪不過五十餘把後以原報期滿催促將紅剪浮多及黑剪併荒山三項報至一萬四千六百零四把倘從此善於推行俾民間皆於養柞放蠶繅絲織綢四者加意講求則本境之富及實業之興均可立而待也茲將新舊山剪數及出產數附列於左

舊有剪場五千三百五十把

產繭每把百千

新報剪場九千二百五十四把

產繭每把七八十千

果園

本縣各種水菓已分志於植物及特產諸目茲將園主戶數及畝數並種植各項水菓之概略總共株數分別附述於實業下以備研究寔業者之考求焉

境內菓園之盛以一二三四五等區爲最夥七八兩區次之計共園主一千二百餘戶園

田九千餘畝各種菓樹十八萬餘株葡萄二千數百架

其植之宅邊院內者在外

就中園主尤以二二三兩

區韓江二姓爲盛韓係熊岳黃旗村韓氏恩合將軍

見本志鄉宦

宦遊歸植菓園於鄉初不過五

六十畝後其子咸文繼續經營逐年發展卒成大業所產之菓品較各處獨優而尤以紅白梨爲最名今爲乃孫隆毅隆韶經理成績益佳現已擴充至三百餘畝每遇豐年各種菓品合之可得數十萬觔云江氏係邑南安平村人字仁山亦實業家也現有菓園已達二百畝近年漸有起色所植之菓樹多已成林結實間有葡萄二百數十架其他各種出產亦皆有可觀且講求不遺餘力他日或將與韓氏並駕焉

物產志卷十二

物產

蓋平面積不大東西偏近山海區區平陸出產無多近年人民知識漸啓購置經營者所
在多有其水陸各產視前二十年已超過數倍乃因循觀望錮習難除以致曠土童山仍
多如故凡屬動物植物培養不得其法損失甚鉅亦良可惜已雖然故步自封未能辨物
土之宜不知盡物之性從古已然山海經爲紀物之淵藪然語多怪誕離奇倘恍究無利
益於小民爾雅釋物賅備然釋天而不參氣候即難言長育釋地雖有醫巫閭之珣玕琪
會稽之竹箭華山之金石霍山之珠玉琨崙之璆琳琅幽都之筋角斥山之文皮岱岳之
五穀魚鹽而未詳履勘開采製造之法生產徒多恐不免棄貨於地其他釋山闕鑛產之
發明釋水略水產水利之研究釋草釋木乏檢校培植之講求釋蟲而不知去害蟲釋魚
而未及興魚業釋鳥獸與畜亦無卵育豢養烈山驅逐之技術生殖縱云蕃昌僅足供博
物志之記載貨殖傳之潤色耳今則不然物質文明日相競勝誠能俾工藝之事農家者

流漸博通其學識將汙土石田各適新法牛溲馬勃亦無棄材官山府海之偉業泱泱大風不獨讓管子專美於前物阜財亨自可與歐亞列強相頡頏焉

物產志卷

物產

物產一則本縣所有而他縣亦有者皆普通產也千差萬別繁蹟紛紜山經爾雅或有不
能詳其類者不惟記不勝記且照列記法又易有挂漏之虞况本境有此物產而他境亦
有此物產如必一一記之既涉於籠統又鄰於煩瑣非所宜也今物用表列記兼包括說
法將本縣物產分爲四項即水陸動植及礦產與鹽灘分述列後其屬於特產者另表附
之

植物

穀類

穀即方言小米之未碾穀者羣芳譜稱之曰粟爲邑中之重要糧食城北花兒山左近所產尤佳在前清時爲進上之貢品見本志特產

稷形似穀而稍大帶有黏性者曰糜子即大黃米與小黃米皆其類之去殼者

蜀黍 俗曰高粱一曰紅糧去其糠批稱為秫米據本草云其種始於蜀故名農政全書載有北方不宜麥禾種此尤宜之說今其穀有紅黃黑之分惟產於他省者人多稱之曰料係土脈不宜產量既弱且質劣而澀故有馬料之名但在東省為最重之食糧

而本邑所產者優良無嫌為粗劣粳稻所不及焉又有一種帶黏性者俗曰黏蜀米產量無多以其不可為常食也

玉蜀黍 農政全書作玉米今方言稱曰苞兒米直魯一帶名曰棒子以其中有莖如棒也今為邑中副食品味甘而香每逢豐年棒可盈尺有黃白兩種可製粉俗名苞米糜子亦有帶黏性者俗名黏米另為一種

麥 麥有大小之分小麥即古之嘉禾也故麥秀雙歧為國之瑞自以機器製粉後此間種者較少因舊法磨麥無利也其皮曰麸子可飼畜及製肥料

蕎麥 本草名烏麥又名苽麥色亞惟補種晚田最宜

大豆 有三種曰黃豆曰青豆曰黑豆總稱曰元豆古曰菽漢以後始呼為豆本草言豆菽皆莢穀之總稱也黃者可作腐柞油造醬今東省所產青色與黃色者同用且為近今特產銷出外邦甚夥本縣產量僅供地方自用及製油見本志實業黑豆用途無

多故產額亦少農民多以此豆飼畜

小豆 有紅白兩種可拌作粥羣芳譜云可粥可飯之謂也以其作食品餽邑人呼為澄沙

綠豆 因色得名本縣所產有光毛兩種毛者用途與小豆略同可造點心曰綠豆糕光者邑中呼為菜生用以生芽作菜俗名豆芽菜

豌豆 一名胡豆即本草言胡豆豌豆也邑產無多僅充菜蔬耳

雲豆 盛京通志謂種自雲南來故名有夏秋兩種惟夏季又有七寸八寸架豆地豆之別為邑中重要之菜蔬近年運銷吉黑兩省甚多

菜豆 如扁豆而狹長
俗呼綠菜豆

脂麻 本草名為胡麻入藥所用之麻油即指此麻而言
俗稱芝麻以其造油即香油也製麻醬一名汁醬

蔬類

菘 方言曰白菜春秋兩季皆有惟秋季為邑之大宗出產有高楷七寸花心鵝鶩團等名質較復縣產稍遜較
山東尤遜然以其他各縣論尚皆不若蓋平也近年由山東傳來一種名曰包頭甘美鬆脆惟不耐久存

韭 形似馬蘭唐詩有云夜雨剪春韭即此物也自春徂秋無間斷但春秋
季味頗鮮夏季稍遜惟江南人多不食以其味過長也其籽亦入藥

葱 古名菜伯為蔬中之副佐品有龍角羊角之別俗呼曰大蔥蓋愈大愈佳小者過辣其壽至長可
隨意移栽故為四時常備之蔬又有形似馬鈴曰馬鈴蔥一名洋蔥形如水仙漸多提倡種之者

山藥 本名薯蕷因避唐代宗諱改名薯藥宋
英宗改名山藥但入藥皆用懷慶產

辣芫 即秦芫俗稱柿子芫其小形如棗者曰洋芫其味至辛人多不喜
食惟柿子芫頗受市民歡迎近年販銷鐵路沿線諸邑為數甚夥

黃瓜 古名胡瓜因石勒諱改呼黃瓜一名王瓜載之禮記月令有夏瓜秋瓜及早瓜之分
為夏秋間常蔬且運銷外埠其他類之瓜如倭瓜攪瓜絲瓜冬瓜越瓜等類悉備

蘿蔔 種類甚多有青紅白紫之分青者佳其籽可入藥胡蘿蔔元代始入中國故名俗呼為
葫蘆貝若水蘿蔔亦有紅白兩種其形較小入夏即可食不同他類秋後方可長成

芹 古有野老獻芹即
此也有水旱兩種

芥 有大葉小葉之分大葉者直魯間稱為
春不老江南呼為雪裡紅即此物也

生菜 有大小葉之分大葉者亦名萵苣

蒜 有紫皮白皮二種紫皮瓣大白皮瓣小四五月間其苗可食味頗鮮俗呼蒜豪亦曰蒜苗野蒜稱小根菜

茄 其種來自暹羅有青紫白三種復有團長之分曰線茄曰牛心曰柿子皆以其形似也

芫荽 即香菜有云清臣年羹堯由西域得種入中國

菠菜 其種來自波斯故名云

馬鈴薯 鄉人呼為地蛋一云地豆又名土豆皆方言之稱有紅白各種可製粉條及片粟粉所含養料甚富且成熟在初夏之時尤能接濟食糧

甘藷 俗呼曰地瓜有紅皮白皮之分生食煨食蒸食皆宜且可造酒磨粉或製粉條惟須砂土地可種但冬春兩季窖藏日久入窖須先揭窖門俟濁氣散後空氣沖入滿足方可入窖否則必為悶斃

果類

桃 種類甚繁有毛桃胭脂桃俗呼血桃又李子桃白脆桃等名此外又有櫻桃色紅大如指頂產量最為豐富

李 羣芳譜云有離核合核無核之異本邑所產只有離核合核兩種其大者不過一兩味亦有甜酸之分

梨 古有果宗快果之名邑境所產種類甚繁著名者有紅梨白梨紅即紅消白即秋白見本志特產近年復有京白梨味至甘脆有香水有棠梨即羣芳譜所謂實大如棟子霜後可食者又有八里香平頂香尖把梨見特產小白梨丫梨等皆為細品其稍粗者可

五六種俱酸澀且有裡山外山之別裡山特細外山稍遜土脉使然也

石榴 有紅白兩種白色多甘紅色多酸

山楂 俗呼山查可蜜漬而藏之有紅裡白裡之分白裡者較佳切成片加糖作飲料別饒風味入藥可銷食

棗 有家棗山棗二種家棗有長圓之別味固不劣然較直隸之馬牙山東之水棗遠甚山棗特酸且小

栗 土人以糖炒食俗呼糖炒栗子秋季熟可充飢

杏 種至多產量亦富青紅黃白俱備色味皆佳見本志特產

葡萄 古作蒲桃即此物邑產紫白紅諸種曰圓葡萄曰雞心曰牛奶即白葡萄復有小元白葡萄曰藏葡萄

蘋果 本境昔無此果惟近數年始有爭相培植竟為邑之特產見本志特產至沙菓檳子等悉有之不另志

西瓜 古名寒瓜其種初得於回紇故名西瓜自講求籽種以來此間幾乎無種不備尤以近年之長形者為特佳俗呼曰三白即山東德州桑園之枕頭惟不易持久存放

甜瓜 又名香瓜俗呼曰鮮瓜有羊角蜜金錢柳蝦蟆酥芝麻粒叭蜡眼三白青皮脆諸名目

落花生 俗名長生果有大粒小粒二種植以砂土地為宜

打瓜 形如西瓜味淡稍酸其實在子俗呼瓜子云

木類

本邑樹木種類如松栢楊柳榆槐悉備近年以講求造林故益見其繁惟柞樹一項因飼蠶與然料有重要之需求分之於後餘不細載

油尖柞 葉微長有尖若桃葉有油性宜於飼蠶故山場多植之至六七年時須倒換新科砍伐為柴俗曰大柴

小葉紅 葉小秋後微紅亦飼蠶之上品惟其性質較油尖柞為稍遜

青桿柞 初可飼蠶久之漸高為木炭之原料年久者曰柞木有至拱抱者

毛尖柞 亦飼蠶之一種其老者為然料

胡科柞 蓋因枝叉過多飼蠶不便且挺葉俱小鄉人秋後砍而為柴故曰胡科

藥材

本境藥材皆普通產不比川廣除牛黃成色為特產外茲僅以本境所產者題名於左

桑葉 銀柴胡 地夫子 木賊草 黃蠟 桑椹子 黃栢 細辛 大力子 茅根

桑皮 玉竹 紫草 旋覆花 藜蘆 桑枝 黃精 金綠草 槐米 夜明砂 蒼

朮 公英 防風 青箱子 桔梗 地丁 槐花 益母草 升麻 地榆 猬皮

遠志 赤芍 紫蘇 酸棗仁 貫仲 杏仁 雞冠花 郁李仁 黨參 鳳眼草

沙參 威靈仙 桃仁 翻白草 夏枯草 車前子 白鮮皮 白頭翁 柴胡 五

味子 麻黃 川占

動物

禽類

諺云天下老鸛同黑一語雖近滑稽然亦可概括人情知識茲以邑境之禽類人所常見者略為分注但求所誌屬實遑顧鄙俚或當不謂為蛇足也

雞 普通類又有翻毛烏骨等可入藥

鴨 古謂家鷺者即此也

鵝 古謂舒雁

燕 古稱玄鳥有善於構巢者曰巧燕不善為巢者曰拙燕

雀 南人稱為瓦雀俗呼家雀能捕害禾之虫

烏 古名慈鳥以其有反哺之義稱孝鳥焉

鴉 俗呼山老鸛有白腹無反哺之功

鵲 俗呼喜雀

鐵雀 爪硬如鐵故名形同瓦雀秋冬可食味頗鮮美

鵲 性愛羣每產一雌一雄救之可傳書郵

蝙蝠 晝伏以足作倒懸狀夜出捕食
置之腋下文人指為騎牆派

鳴鳩 又名布穀以其鳴時適當播
穀之期故俗名曰穀穀鳥

黃鸝 俗曰黃鳥

魚鷹 俗名打魚郎

鷹 爪牙俱銳善捕小鳥故獵人蒙之
以捕兔名目不一有大小之別

鵙 俗曰天鷲

野鴨 爾雅疏野曰鳧家
曰鴨俗曰水鴨子

鵪 即老鵪

雁 義鳥也一名鴻雁來去有時長
幼有序失偶不再配古稱陽鳥

鵲 似鵲而大俗呼老等

百舌 俗曰百靈淮南子註百舌能易
其舌效百鳥之聲故名百舌

啄木 剛爪利嘴舌長於味其蠹鉸刺
啄得木中之蠹以舌鈎出食之

靛雀 有藍靛紅靛之別

蠟嘴 因其嘴黃如蠟故名
即詩所謂桑扈也

鴟鴞 鳥之最惡者子食其母
人皆惡之俗呼夜貓子

鷺鷥 頂有長毛潔白如雪
乃水食而林棲者也

雉 俗名野雞又名山雞全身
文彩華麗尾翎長尺許

獸類

邑境獸類家畜最多山獸次之茲以境內所有之獸類題名於左

- 牛
- 羊
- 馬
- 犬
- 騾
- 豕
- 驢
- 貓
- 狼
- 鼯鼠
- 狸
- 田鼠
- 貉
- 家鼠
- 狐
- 茨

獬 獾 兔

馴鹿 見本志實業

魚類

本境海產固稱富有然不若金復旅大之全即擬之錦營等縣猶有遜色但以產量論亦

大有可觀者焉爰將種類之區別與產額之約數詳志於後

石首

一名黃花又名黃鱗長約尺許本邑海產之大宗歷年於立夏前後由南而北途經本海其羣如陣是為魚船下網期一季間約二十餘日產額約可四五百萬斤邑人皆以鹽漬用之四季無缺

銅鱗

俗呼銅羅魚形似黃花魚而大微帶金紅色鹹魚市過此魚繼之一季約十餘日可得五六萬斤

魷魚

青白色有綠脊大者四五觔小者二三觔產期約二十日鮮食漬食皆宜惟其籽須漬後食之別饒風味其價稍昂

快魚

俗呼火鏢魚形如長江鱸魚不過有江產海產之分味特鮮惟不若鱸魚肥厚產期與鹹魚同但產期至秋後乃止產額約三四十萬斤

鯉魚

此魚無海產河泊間多有年產額約四五百斤

鱸子魚

名目不一有細鱗麥黃之別大者十餘斤小者四五斤年產約可得八千觔

秋生魚

見特產

鮫魚

大小有四五種經年長產約可一萬餘斤

大頭保魚 長三四寸小者寸許惟頭大故名秋夏皆有年產約十萬斤

胖頭魚 無鱗有春夏兩種夏季較鮮復有大小之別年產約可十萬斤

比目魚 古名鮐魚即俗呼為拓鮐種類不一凡偏口並行之魚皆可謂之比目俗呼為瓶魚油片花裡長把之別五六月間始見年產約五千斤

墨斗魚 形似八帶而特小長可寸許其腹有墨汁故名四五月間始見直至秋後產量約可四五百觔

飯稍魚 形似墨斗身圓且大重者可十餘兩通身無骨有脊肋若柳葉狀腿亦特長惟產量無多

蝦 本邑海產之蝦計五種一曰白蝦又曰青蝦為春季海產之早者產量頗優其肉晒乾曰蝦米至立夏後有對蝦大者重可四五兩有紅毛蝦形小而鬚紅故名自夏至秋皆備又有黃蝦又名蚶之米其大如錢味特佳產量亦多此外有米蝦可製油造醬殼厚而

色亞產量甚夥

蟹 常產有二種曰螃蟹曰飛蟹螃蟹較直魯所產者骨硬飛蟹其後二足作扁形其殼橫作棗核狀大者約可一觔許自春徂秋皆有但不論何種食時須去其頭其胃在頭誤食多病古今中外名人因嗜蟹而致死者多有見於記載即其腹內之黃亦特寒縱口腹

者慎之戒之

蚌 有二種曰蛤啦曰鮮子味至美產量不多

海螺 俗呼海波螺味同鮑魚秋夏多有

蠣蝗 產於海中島崖之上較金復二縣所產者為小但由秋至冬可產二三十萬斤

風鮫魚

形似比目而小稍大者呼曰鞋底以其相似也

麵條魚

形似銀魚而小故名與大頭風鮫魚等皆稱曰小海蓋非大宗物也

礦物

礦類

苦土、漂白

滑石

礆石

石灰

硅藻土

銅

鉛

建築石

鹽類

鹽即晶鹽又名青鹽俗呼鹹鹽邑境瀕海製鹽向以灘晒其實勝於川蒙之火鹽西北海瀕共有灘三百三十七付每付平均年產四百石計每石六百斤全年產量可十三萬餘石除本境自用其餘由轉運局運銷吉黑二省

鹽磚

以鹽製其形如磚質細而白江南人多嗜之

精鹽

即機製鹽磚近年以洋莊之需求遂有設精鹽公司於營口者製造運銷成績頗佳

特產表

本表所列物產或為他縣亦有而不若本境土地適宜或產量較他縣特豐或為他縣所不產者概為本縣之特產

名稱

產量

說

明

硬尖水筆

無定數

本縣硬尖水筆名聞遐邇尤以恒裕堂文勝堂所造之狼毫冬紫毫小大由之等為特佳

練 綢

年額約可
三千疋

近年出品與河南魯山綢山東之昌邑綢可並駕齊驅無甚軒輊

粗繭綢

年約一萬餘疋

多染紫色販銷蒙古質堅逾於粗布價亦特廉

繭綢被面

年約千餘疋

為近年改善出品之一十錦雜色俱全授有內務部三等特許獎

牛 黃

出產無多時
年可十兩許

本草以東黃為特今東黃又以邑產為貴色透指甲質細而黃

紅 消 梨

豐年可
得二十萬筋

有水紅火紅之分水紅酸火紅甘脆大者有十餘兩重中個亦在五六兩許可製作梨膏清痰止咳甚效

秋 白 梨

豐年均可
得十萬筋

其質不若遼西各縣所產但在南滿一帶尚無出其右者亦可製膏治肺疾止咳嗽

紅 杏

豐年可
收二十萬筋

近年講求實業故人多植之與紅白梨同為罐頭水果之大宗而培養之法亦日見精良

尖 把 梨

豐年可
產二十萬筋

有裡山外山之別裡山質細二者均可窖藏或冬季凍之名曰凍尖把販往外埠人爭購之

蘋 果

以日人植者並
論豐年可產五
六十萬筋

昔年植者甚少近年提倡甚力且由日本輸入種類甚繁有紅玉柳玉國光等計共二十餘種其大者可十餘兩重無鬆軟如絮之弊窖藏至春益佳多販銷吉黑二省

秋 生 魚

昔年多有近年
特少無定額

產於清河及擘嶺河長五六寸味肥美為邑之特產他縣所無也

山 繭

豐年可得一千
五百餘萬兩

詳見本志山場及實業

牛 旁 果

譯音即
實 產額年可
六十萬筋

縣境向無此產其種來自日本因地所宜產量豐富得利亦厚惟中國人不慣食此僅供日人食品以故種之者少

花兒山小米

以豐收論無定額

在前清時為邑境之貢品粒大而黃甘芳細美膾炙人口

山

正百

特種

燕

特種

燕

燕

六

燕

燕

二

燕

燕

二

燕

燕

二

燕

燕

二

燕

燕

二

燕

燕

二

燕

燕

二

燕

燕

二

燕

兵事志卷十四

兵事

遼左爲朝鮮古國周之末葉干戈擾攘時事幾經變遷自秦皇拔遼東其後漢魏晉唐以迄明清歷代相沿對於北土視爲必爭之地若備邊若防海若禦蒙疆事日亟戰征日烈遐稽往籍即可識存亡得失之故矣民國肇造以來兵戎相見幾成慣例同室不免操戈南北各雄戰略鋒鏑之慘人民已不堪其苦夫兵本爲民衛而反以擾民揆諸寓兵於農兵民合一之古法實屬蕩然而無存猶欲其如岳家軍之紀律蜀漢兵民之雜居抑亦難矣在桓桓多士增重國防豈能盡非節制特無如軍人講武程度難齊有皮毛而無真精神教練之方每不敵其蠻野之性仇民者居大半焉縣境屢遭兵禍連年供應頻仍詠大東之什杼柚其空往事何堪回首所宜痛定思痛臥薪嘗胆未雨綢繆當無事之時而厘多難之憂也夫

兵事

自玉帛揖讓之風邈而干戈相見兵凶戰危史不絕書然古聖創制有禮樂不能無兵刑可見兵刑以濟禮樂之窮此中具有深意涿鹿之戰有苗之征無庸爲盛時諱也况後世鐵血爲主義戰利之品益演益奇殺人如草遑恤乎民生此而不記非特無以作尙武之精神亦昧然生於憂患之旨矣爰志兵事

秦燕之戰 始皇命蒙恬築長城二十五年虜燕王喜滅燕併此地爲遼東郡

漢及高勾驪之戰 漢安帝元初五年高勾驪攻麗城本境太守姚光起兵與蔡諷擊破之

魏征遼東之戰 魏文帝時公孫淵據遼自立爲燕王景初八年魏遣司馬懿將兵四萬討滅之由是本境與樂浪四郡皆平

晉平城之戰 晉大興四年慕容廆以其子仁鎮平郭咸和八年仁據平郭以叛咸康二年慕容皝率師襲之至麗林口捨輜重輕兵取平郭

唐及高麗之戰 貞觀十八年以李勣爲遼東大總管明年潛師濟遼水拔蓋牟進攻安市城不克引還咸亨三年高麗餘衆復叛遣將高侃擊敗於安市城薛仁貴白衣登城即此

唐石城之戰 顯慶二年薛仁貴伐高麗與高麗大將温沙門戰於熊山轉戰至石城

即熊

岳城 有善射者多殺官軍仁貴白衣單騎突擊賊弓矢俱廢遂生擒之

契丹渤海之戰 後唐明宗三年契丹率兵陷營州盡取渤海地由此本境沒於遼

遼太祖歸州之戰 太祖率兵平渤海因置降戶於此名曰歸州統和二十九年改歸州

曰歸勝縣

金元之戰 金貞祐元年北邊千戶耶律瑠格自立爲遼王改元元統盡有遼東諸郡蒙

古穆呼哩屬攻遼東三年金宣撫布希萬努取咸平東京以叛瀋州以南多從之國號大享改元天泰尋侵金萬努率衆九千人出湯池赫舍烈德率兵與戰其衆潰去四年降蒙

古復叛僭稱東夏

明及倭人之戰 洪武初倭人寇遼東帝命常遇春率師禦之戰於本境倭人敗北由畢利河竄去

明及元兵連雲島之戰 洪武四年馬雲葉旺均南直隸人爲都指揮使八年納克楚犯遼東雲與旺守禦嚴密納克楚由祚河遁葉旺由連雲島至窟駝寨沿河疊冰以水淋之竟夕凝結如城藏釘板於沙中設陷馬阱於平地伏兵以待已而元兵至方過城南礮發伏起敵兵惶惶北奔趨連雲島遇冰城馬不能前皆入阱中衆遂大潰馬雲於城中出兵追擊納克楚僅以身免雲旺並加都督僉事分鎮遼東

明季清初之戰 明季自漢滿失和後關東戰事達百數十起最劇者厥爲明天啓元年即滿洲天命六年先是明廷逮遼東經略楊鎬治罪以熊廷弼代之遼瀋大震城堡軍民盡竄數百里無人迹議者大譁謂恐遼不爲明有廷弼兼程冒雪徧閱形勢招流移繕守

具簡士馬肅軍令固守不輕戰集兵十八萬分布饒陽清河撫順柴河三壘鎮江

鳳凰城東南今安東

諸口小警自禦大警互援更選精銳爲游徼乘間掠零騎擾耕牧更番迭出以俟發會時

清亦按兵不動而明臣忌廷弼者爭劾其不戰廷弼乞罷以袁應泰代之應泰吏事敏練非將材也會蒙古諸部大饑多入塞乞食應泰言不急收之且爲敵有招降數萬分處遼瀋二城議者多言收降太濫恐間諜雜其中禍且叵測宜徙之他地應泰不聽降人多強居民戶間有欺陵婦女事民多憤怨明官而滿清則反事之厚撫遼民及蒙降民凡往來其地者多取保護于是遼民及降民皆暗爲其耳目及天啓元年春攻明瀋陽距城七里而軍城外濠塹數重埋剡木立墻柵列火器楯車兵七萬乘城內外守禦甚具而明總兵賀世賢勇而嗜酒見偵騎數十即率數百騎追滿兵佯北誘之俄而伏發世賢且戰且卻至城下則降民內應斷其濠梁不得入身中十四矢尤世功引兵救之亦戰死城遂陷總兵童仲揆陳策以兵來援師次渾河石砮土司秦邦屏先渡河營橋北陳策仲揆統浙兵三千營橋南邦屏壘未就滿兵急攻卻而復前者三邦屏戰死諸將渡河走入浙營滿兵圍以數重浙營中大發礮火傷滿兵無算已而火藥盡短兵相接滿兵萬矢環集陳策仲揆等猶揮刃衝突各殺數十人乃死是役明以萬餘衆當滿兵數萬卒致力盡而覆滿兵

遂乘勝攻遼陽袁應泰盡撤諸軍竝力城守引水注濠環列火器旋親督總兵侯世祿等
出城五里迎戰滿兵應之因稍失利始歛兵分陣固守清太祖命四貝勒以重兵攻之並
塞水源泄開口奪橋屢戰冒礮登城市街大亂男婦叫哭不絕惟間有爲降人所引導者
盛飾啓扉作歡迎狀而明兵猶拚死力戰至夜則列炬撕殺以達旦應泰督戰於城東北
隅鎮遠樓見城破遂佩印自焚死御史張銓被執不屈縊死其他諸軍皆逾遼河西去時
遼南毛文龍遠在旅順皮島海蓋道康應乾於先一年率合朝鮮兵出師富察全軍潰散
海蓋無兵人心惶恐富者逃貧者俱降由是滿兵不時馳驅於遼南大小七十餘城寨兼
袁崇煥毛文龍等軍又不時竄擾至邑屬耀州及官屯寨邑境雖無巨戰之禍然揆自清
天聰七年始正式設防中間邑無正式主宰歷數年之久受戰事餘波之難不卜可知也
官紳擊匪之戰 清同治間賊寇竊發有渠魁康七者率羣盜數百擾亂本境四鄉居民
襁負逃竄官率紳民登陴戒嚴邑紳郭允慶字勤軒督帶練勇隨官兵助勦轉戰城北數
十里追至耿家莊大破之

初賊至東海山寨居民
孫立金者曾挺身調說

甲午中日之戰 清光緒二十年中國因衛護藩屬朝鮮國與日本失和時中國自洪楊

苗捻等事平後旗防不振軍事惟有綠營清中葉所招募之兵曰綠旗營制之三大軍曰毅字曰淮字曰銘字

此外有湘營會文正所創者及各駐防提督總兵所轄者然兵額無定數恒有一總兵官所領不過

數百人亦號其名曰某軍獨毅淮銘等各皆數十營至海軍頗稱一時之盛計南北兩洋

水師二十餘營大小艦艇七八十艘數千墩之戰艦八艘號稱八大遠即定遠鎮遠等綜

合排水量達九萬餘墩時日本海軍綜合不過五萬墩而陸軍則有數師之衆每師一萬五千兵額

蕪中國為廷臣所不稔也洎至平壤接戰奉軍左保貴先敗是役清廷以直隸總督李鴻

章字少荃為北洋軍務大臣四川提督宋慶字祝三為幫辦北洋軍務大臣統帶毅字全軍因

毅軍向駐旅順便於調動故有前敵之任銘字軍駐劄金州之大連灣蓋平駐其馬隊一

營管帶官其時營長名為管帶馬金叙字麗生曾駐邑數年斯時亦被調東邊淮軍則多屬殿後勤務甫

至新秋兩洋海軍方將會合而南洋海軍慘敗於渤海口外北洋艦隊倉卒續戰已無濟

遂亦全沒值東路陸戰又漸漸負時旅順留守毅軍尚有姜桂題等數營不明地理戰術

憑恃港口之險礮臺之堅固顧肘腋小港海濱無備即或有警以爲銘淮等軍可禦而駐大連灣之軍備合水師已近三十營官佐俱無戰鬪新知識日軍潛由石槽口孤山等處

小港登岸

日俄之役亦坐此失談軍事者宜注意焉

突搶大連灣銘淮皆北旅順留守無聞及日軍猝至兵士得逃

無幾被俘殺甚重姜桂題等乘民舟逃免于是金州旅順相繼失守門戶要寨既陷全省

大震蓋平遂成烽燧首應之鞞鼓塲矣先是八月間曾調山西大同鎮兵五百由邑城南

去其官長士兵無一人無煙癘軍容之劣眇有出其右者軍裝之外腰間皆斜插煙槍一

枝見者無不發噤未幾又復調回來時徒步月餘去亦如之其時調遣不便全國鐵路只

有盧漢線南端僅達黃河北岸京奉路亦僅天津一段交通未備爲此役一大障礙九月

間又調山東登萊青總兵章皋元

字鼎臣昔爲淮軍宿將

統率所屬之嵩武廣武兩軍

廣武不足千人

計八營悉

駐邑之城關以爲防其佈告中有云本鎮曾打法國兩次克復臺灣基隆礮臺等語至軍

紀風紀之佳爲各軍冠時我國無銀幣餉項俱用寶拍

以現元寶化創作零

每兵月餉三兩六錢而邑

人每與交易往往故減其銀色壓其平復廉其價貨殖則反乎此而士兵則不計較其程

度有如是也比至臘月初敵軍亦進佔邑屬之熊岳城會毅軍九連城新敗其前軍宋得

勝字凱退屯邑北鷄爪溝後軍馬玉崑字荆屯於大小平山一帶淮軍統領徐邦道率十

二營劄於邑西海山寨負右翼責任合章軍作犄角式十五日黎明章軍與日軍接觸至

平明以後戰益力日軍將挫適左翼陣地統領楊人傑鏖戰於塔山下奮不顧身卒致陣

亡一說因督戰嚴為部下傷士兵旋戰旋退牽動正面陣地欲卻不得遂憑濠血戰短兵肉搏卒以衆寡

懸殊器械亦遜我方步槍為哈喇開嘶與單响毛瑟及克魯伯野炮聯珠炮亦不多見精槍快炮吳大澂軍始有之日方野炮之外有霰彈炮過山炮步槍為春田連發且後防多

失遂潰右翼徐軍不與接應竟引兵去章總兵見傷亡綦重勢不支不得不卻整伍抱殘

以退知縣何守謙見城破抱印綬誓以身殉家人曳之始走日軍入城立行政署民命財

產悉歸籍制然商民已逃過半乙未秋和議成日兵撤退始復原制惟鄉間損失尙不甚

重亦日兵之教育與國際之知識程度使然也事後東西各國記載斯役之戰博有優良

之評判雖屬敗北猶有榮焉但可嘆者日人能將我軍士數百屍身悉彙葬於南關娘娘

廟之東垣外與之一祭復標木籤以記之厥後邑之官民數十載無一人及其事者於戲

異鄉健兒爲國損軀吊祭不至忠魂何依可慨也夫

庚子拳匪之戰

漢有三五里霧而漢已滅宋有六甲神兵而宋亦亡清季拳匪之亂識者多舉古人國家將亡必有妖孽之說已早料其鼎革矣辛亥之變兆其即伏於此初亂起自山東源本白蓮教之餘孽以排外號召愚弄鄉民事實俱見史乘不贅述吾邑是年五月始蔓延及之知縣馬鴻階以上憲無明令禁止已亦無挽救之術可施旋經撤任而去以廖彭繼之遂

益惑於驅鬼神避槍礮之說匪勢因之日熾卒至焚教堂戮教士

庚子前教民有特教凌人者良民銜之刺骨故其劫亦特重

毀

鐵路及俄兵拚力抵抗拳匪之符咒無效其時守城者只有練勇與旗兵數不滿百不得已並匪力合以守城七月七日俄兵攻城礮彈如雨匪禦之多有死傷兵勇見勢不佳逸去縣令棄城走城中男女老幼相携避難城門擁塞不得出呼聲動天地至夜城爲之空侵晨俄兵入佔據縣署奪民財物落後未得逃者多被殺戮加以四境宵小乘機而起俄

人藉安民爲名干涉詞訟地面政權悉爲所奪時奉天將軍增祺與俄訂立局部小約聊

以保民吾邑紳商因設公議局以自治遇事交涉尙稱得力民生稍安惟自秋徂冬盜賊
蠱起鄉間巨匪竟勾結黨徒假託善類創立保險局按戶抽捐或有抗拒禍且立至逮辛
丑和議成始得各安其業如解倒懸也

癸卯日俄之戰

我國自甲午戰敗後遂割讓臺灣換回遼東半島不幸俄人又強行租借旅大敷設鐵路
及開採林礦等權日人嫉之且鑑於滿蒙利權將爲俄人所有適俄國要求日本以北緯

三十九度以北韓國領土作爲中立地因益觸日人之怒

見外交
雜記

癸卯十二月日軍突由皮

口左近海岸登陸斷俄軍截然爲二至甲辰五月俄軍退至邑境日軍尾其後時知縣祥

德以中立國官長資格向日俄交涉雙方皆不得憑城作戰居民始免於禍但縣境既當

兩國槍林彈雨之衝此時地方人民概無中立知識故舉動偶有疏略即難防意外如稅

官雍遷紳富張英臣曾經逮捕葡萄溝邵姓等八人均以嫌疑死德源湧油坊執事張廣

權亦以軍事關係畢命邑城東泊六月中旬日俄兩軍分駐大石橋南俄軍自周家屯之

南山東南連營十餘里日軍列於孳蘿舖之南山旋別遣一軍由湯池斜進十二日黎明以火礮相交鏖戰終日戰線之內民舍蕩然夜間日軍橫列礮車十數里絡繹不絕以震撼之俄軍氣餒乘夜北竄日軍遂進大石橋十三日日軍北上裁撤軍政署車站僅存憲兵數十名居民稍安

辛亥革命之戰

清宣統三年八月武昌起義不窮真相者以爲催促立憲也及消息傳來始聞有種族問題未久因種族理想不利於國本遂一變而爲共和時關外各處均無響應吾邑東南一

鎮有舒天民者

字燕

糾合郭俊臣

者舊郭允慶之族孫前東南一鎮警察區官

劉緒堂朴雨琴張金標等數人

親赴南京受革命約定期舉事十一月三十日佔據萬福莊以自治會爲機關樹革命旂

附歸者二百餘人惟半屬市井無賴既無政學又無軍學首領數人外率無革命知識無

非暢所欲爲趁勢肆行作一己私計耳事聞於省亟派西路巡防管帶孫烈臣

字占鰲後改贊堯即前吉

林督軍時尙未爲顯宦

同巡防馬四營營長陳子安警務長姚廷獻等往戡其變十二月初一日圍困

其地初五日平明接仗雙方各有死傷會革命素擅槍擊之長者朴雨琴中彈陣亡革命軍遂敗旋由自治會救出總董馮慶瀾議長郭春藻議員崔秀峯職員曹嘉善于紹忱于百川數人並執郭俊臣劉緒堂張金標等入獄越四五日就義於城隍廟前其餘黨王俊山等皆竄於復縣界與顧仁宜門恩祿

字百福

集合意圖再舉時西路巡防幫統李子敬率

隊堵截旋爲革命軍所執震動全省將軍趙爾巽遂派老淮軍之一部與馮德麟所部之巡防隊及駐奉陸軍第二十鎮之一部皆先後通過縣境協同定亂而日人拒我陸軍不得入復縣界不得已遂改用宣撫手法數日事平李幫統被釋出險知縣汪雲獅與孫管帶亟力善後民始安堵未久清廷遜位詔下民國鼎成矣

遜位詔原文附錄於後

詔曰前因民軍起義各省響應九夏沸騰生靈塗炭特命袁世凱遣員與民軍代表討論大局議開國會公決政體兩月以來尙無確實辦法南北睽隔彼此相持商輟於塗士露於野國體一日不決民生一日不安今全國人民心理多傾向共和南中各省既倡義於

是用外觀大勢內審輿情特率皇帝將統治權公諸全國定爲立憲共和國體近慰海內
厭亂望治之心遠協古聖天下爲公之義袁世凱前經資政院選爲總理大臣當茲新舊
代議之際當爲南北統一之方即由袁世凱以全權組織臨時共和政府與民軍協商統
一辦法總期人民安堵海宇乂安仍合滿蒙漢回藏五族完全領土爲一大中華民國予
與皇帝得以退處安閒優游歲月受國民之優禮親見郅治之告成豈不懿歟又曰古之
君天下者重在保全民命不忍以養人者害人現將新定國體無非欲先弭大亂期保乂
安若拂逆多數之民心重起無窮之戰禍則大局決裂殘殺相尋必演成種族之慘痛將
至九廟震驚兆民荼毒後禍何忍復言兩害相形取其輕者此正朝廷審時觀變痼瘵吾
民之苦衷凡爾京外臣民務當善體此意爲全局熟權利害勿得挾虛矯之意氣逞偏激
之空言致國與民兩受其害著民政部步軍統領姜桂題馮國璋等嚴密防範剴切開導
俾皆曉然於朝廷應天順人大公無私之意至國家設官分職以爲民極內列閣府部院
外建督撫司道所以康保羣黎非以一人一家而設爾京外大小各官均宜概念時艱慎

供職守應即責成各長官敦切誠勸勿曠厥官用副予夙昔愛撫庶民之至意又曰前以大局阽危兆民困苦特飭內閣與民軍商酌優待皇室各條件以期和平解決茲據覆奏民軍所開優禮條件於宗廟陵寢永遠奉祝先皇陵制如舊妥修各節均已一律擔承皇帝但卸政權不廢尊號並議定優待皇室八條待遇皇族四條待遇滿蒙回藏七條覽奏尙爲周至特行宣示皇族暨滿蒙回藏人等此後務當化除畛域共保治安重觀世界之昇平胥享共和之幸福予有厚望焉

民國政爭累年戰事之波及

民國自成立以來政爭頻仍迄無已時甲仆乙繼禍亂相循各省人民塗炭罄竹難書人禍之外復有天災此爲吾人所共見共聞者惟吾省因逼處強鄰種種關係官民多持保境安民主義加以連年豐稔故較他省有天淵之別無如天不厭亂甲子秋直軍侵奉戰線雖在榆關錦朝一帶而吾邑奉令有徵車派役之舉計每村四套馬車一輛夫役二名每畝徵軍草五十匭事後車輛夫役均行放還草亦按官價付值惟當出車時悉由各村

集資備置夫役亦係重資僱得除上項損失別無若何驚擾及丁卯戊辰南北失和吾邑
只有軍草一項之徵且均按官價付值洎南北統一後因錢法毛荒及稅率關係所有物
價騰漲不止倍蓰往昔然人民安靖歲收平和他無所苦亦不幸中之幸事也

慈善志卷十五

慈善

周禮地官司徒以鄉三物教萬民六行之中有所謂任卹者與孝友睦婣並重古道也昔鄭子產爲惠人孔子以古遺愛稱之其養民也惠所以其使民也義不然未能爲衆人母而徒望一般人民薰德善良不亦難乎在上者果能以慈愛爲心將碩鼠萋楚之政不再演爲歌謠弗聞猛虎何有哀鴻懿歟休哉大同之治也凡一切慈善事業次第舉行而下之仁人長者莫不聞風興起相助爲理雖云古任卹之風至今存可矣苟不厚其源而徒沿其流吾恐煦煦爲仁子子爲義驩虞小補而欲幾乎王道登一世於仁壽之域勢長不及夫亦末流雜霸術耳此孟子所由譏乘輿濟人惠而不知爲政歟惟能德意彌綸經營締造不失三代忠厚之遺庶幾近之

慈善

古之人毀家紓難輸財助邊當時成爲義舉後世傳爲美談史鑑恆筆及之清季變法維

新尤以提倡公益爲最有名譽之事考之吾邑慷慨樂輸或發起募捐不求聲聞者若隱若見非見聞所能徧及即難列叙無遺焉茲就調查所得表彰於後

義地

李國印 施捨義地一段坐落城東南角護城河東岸又施捨孤貧院地址一段坐落

城裡花牆胡同西口路北

李廷璽 施捨義地一段坐落西關董家溝北山南坡

門寶瑛 施捨義地一段計十二畝坐落城東門家屯村西

義舉

李伯珍 捐助學款現銀二百兩又農桑局四十兩

馬養素堂 捐助學款現銀二百兩

郭尙之 捐助學款現銀二百兩

焦樂善堂 捐助學款現銀二百兩

王鍾林 捐助農桑局現銀四百兩

馮作忠 捐助學校房基一段坐落王家崗子村東

張 勘 捐助學校房基一段坐落破台子村

高永祺 捐助學舍五間坐落沙溝子村

崔長泰 捐助學舍七間坐落龍灣村

鄭桂芬 捐助學校房基一段坐落龍灣村

節孝張遲氏 捐助校舍地基一段坐落轉灣村

臧萬福堂 由民國十四年起逐年捐助本村學款奉大洋五百元

賑濟

臧書田 賑濟奉大洋八百元由民國十四年起

趙清寰 賑濟奉大洋五百元

郭家昌 賑濟奉大洋三百元

武 尙 賑濟奉大洋二千元

施棺

施捨棺木之舉係三江絲業商號之樂助以三江會館爲經營機關計每年所捨之棺木約在一百餘具

施粥廠

本邑施粥廠向爲臨時性質自有清光緒四年歲饑經邑紳耆多人倡設粥場於藍旗廠葶洛堡及城南關等處災黎稱慶施至光緒十四年又值大水成災遂設官粥廠於城內滕家街延至十五年春始行停辦民國十六年因旱災歉收由邑紳商數人與各慈善團體及宣講堂諸善士等合組募款奉洋九萬九千餘元辦理平糶復設粥鍋於南關藥王廟計夏秋兩季六月餘賑訖遂停民國十六年山東荒亂難民多來東省求食由芝罘經大連途次於邑絡繹不絕每日多至數百人流離慘困之狀屬目愴然旋由商會與宣講堂倡立難民救濟所於東關宣講堂側招安棲止並惠及路資疾病者兼與醫藥周濟經

年數逾萬人糜款至數萬元誠偉舉也至個人施粥經年不替者有邑人馬紳自清同治間起至光緒中葉因款絀停止此外各村富室偶行一季之施捨者比年多有難與悉述

孤貧養濟所

原名孤貧院地址在花墻胡同西口爲富室李姓所施延至民國十年房屋坍塌不堪旋經章知事委三江會館主任募捐七萬四千餘元計在城紳商及各善士募捐一萬五千餘元三江會館助洋一萬餘元復於江南募款四萬九千餘元除改建房舍七間用款約二千元餘款悉行存商生息藉補常年養濟經費凡男女年過花甲貧無依棲者即行收養並易孤貧院爲孤貧養濟所至民國十九年救濟院成立一同接收合辦矣

宣講堂

斯堂爲善士多人創設於有清宣統元年專以勸善救急維持風化等說爲宗旨當初設立時適值山左牟平甫大令蒞蓋平任聞忌者間言立令取銷經人維持以免蹉跌今已多年辦理極見進步以是向善者衆感化力普種種善舉以漸施行如籌設粥廠賑濟難

民各善務勇爲不怠洵於風化民生大有裨益云

同善社

自民國十年辛酉歲十月初一日成立在縣公署備案開辦崇奉孔子老子釋伽爲尊清靜定靜道契同源慈悲慈祥理參共貫合三教聖人於一堂化除儒釋道門戶之見以正心修身爲宗旨孝弟忠信禮義廉恥爲準繩由社員公推正副善長各一人監理一人及文牘收支教授稽察庶務交際六科各員社址前假三江絲業公所房院一處現移縣政府南胡同路東瓦房六間社中有恩職辦道凡欲求道者必先經社員介紹擔保確係正人方許請准入社開示指體近日本城社員約計一千有奇均屬循規守法其功程分內外兩部內功者屏除私念專誠習靜以證性命雙修之果然究與枯坐參禪迴別每日乘暇靜坐一二時恢復精神健全軀體實於人事無廢也外功者慈善爲懷隨在作德量力行之補助內功之不及總之與人爲善普渡大同以期共登彼岸社內向無飛鸞符籙之術宗旨純正非他教所可比擬也

救濟院

院長一員副院長一人相與管理本院一切事務以慈善普濟爲良法院內設養老殘廢孤兒育嬰各所有主任辦理員工丁分任諸務遵照省政府規定章程務期各盡其實有裨無告窮民事在初創將來有待發展至施醫貸欸二所暫未兼設因現已成立民衆醫院而民衆銀行亦正在籌備進行間也

